

"মিষ্টি বাচ্চারা - তোমাদের এই কাঁটার জঙ্গলকে দৈবী ফুলের বাগিচায় পরিণত করতে হবে , নতুন দুনিয়ার নির্মাণ করতে হবে"

প্রশ্ন: - তোমরা বাচ্চারা বাবার সাথে কোন সেবা করো যা অন্য কেউ করেনা ?

উত্তর: - তোমরা বাবার সাথে সাথে সারা বিশ্বে সূর্যবংশী , চন্দ্রবংশী রাজধানী স্থাপন করার সেবা করো যা কেউ করতে পারেনা । তোমরা এখন নতুন দুনিয়ার ভিত্তিপ্রস্তর লাগাচ্ছ সুতরাং, পুরনো এই দুনিয়ার বিনাশ অবশ্যই হবে । দৈবী ফুলের বাগিচা বানানোর , কাঁটার জঙ্গল শেষ করার কাজ বাবারই ।

গীত:- ওম্ নমঃ শিবায় . . .

ওম্ শান্তি । যখন কোনও সাধু সন্ত বা বিদ্বান ব্যক্তি ভাষণ করেন তখন প্রথমে কাউকে না কাউকে নমস্কার জানান । কেউ শিবায় নমঃ বলে , কেউ কৃষ্ণ নমঃ বলে , কেউ গণেশ নমঃও বলো যতই হোক , নমস্কার তো উচ্চ থেকেও উচ্চতর এক বাবাকেই করা উচিত । তোমরা বাচ্চারা জানো উঁচু থেকে আরও উঁচুতে এক ভগবান , তাঁর নাম শিব । গাওয়াও হয় শিবায় নমঃ । শিবকে সবসময় বাবা বলে ডাকা হয় । শিববাবা সর্বপ্রথম রচনা করেন । রচয়িতা এক , বাস্তবে রচনাও এক । বাবাকে রচয়িতা আর দুনিয়াকে রচনা বলা হয় । যে দুনিয়া বাবা রচনা করেন তা নিশ্চয়ই নতুন দুনিয়া ; সুতরাং , তিনি অবশ্যই পুরনো দুনিয়ায় আসেন , এইজন্য বাবাকে পতিত-পাবন বলা হয় । সাধারণতঃ দুনিয়ার মানুষ মাগ্রেই , বিশেষতঃ ভারতবাসী একমাত্র বাবাকে স্মরণ করে এই বলে- হে পতিত -পাবন ! এসো, যখন সবাই দুঃখী আর পতিত হয় তখনই বাবাকে ডাকে কিন্তু তারা জানেনা কখন তারা দুঃখী হয়েছে আর কবে থেকে বাবাকে স্মরণ করছে । বাবা এখানে বসে আছেন এবং বোঝাচ্ছেন । আগেও বুঝিয়েছিলেন - "ওহে বাচ্চারা ! তোমরা তোমাদের সুখ -দুঃখের জন্ম জানোনা । আমি , জ্ঞানের সাগর , জ্ঞানসম্পন্ন এক আমি , এখানে বসে তোমাদের বোঝাই" । শিববাবা বলেন , আমি মনুষ্য সৃষ্টির বীজরূপ , আমাকে পতিত -পাবন বলেও ডাকা হয় । সুতরাং , নিশ্চয়ই একটা পতিত দুনিয়া আর একটা পবিত্র দুনিয়া আছে । পবিত্র দুনিয়াকে স্বর্গ অথবা বাগিচা বলা হয় এবং দুনিয়া যখন পতিত হয় তাকে কাঁটার জঙ্গল বলা হয় । আর তখনই শুরু হয়ে যায় মায়ার রাজত্ব এবং অগুনতি মানুষের ভীড় । যারা এখানে আসে তাদের যে কোনও কাউকে বোঝাও যে , আজ থেকে ৫০০০ বছর আগে ভারত ভগবানের বাগিচা ছিলো । মানুষ সুখী ছিলো । নতুন দুনিয়ায় শুধু ভারত ছিলো অন্য কোনও খণ্ডের নামগন্ধও ছিলো না । নতুন ভারতে নতুন দিল্লিও ছিলো , যাকে পরীস্তান বলা হতো । আর তখন ভারত ছিলো হীরকসম , যাকে সুখধাম নামে জানা যেত । এখন ভারত পুরনো হয়েছে এবং তাকেই দুঃখধাম বলা হয় । বাবা বোঝাচ্ছেন , এখন দিল্লিতে নব নির্মাণ প্রদর্শনী করছে মানুষকে বোঝানোর জন্য যে , এই বিশ্ব কি করে নতুন বিশ্বে পরিণত হবে । ছবি সামনে রেখে কেউই বোঝাতে পারবেনা আর কেউ বিশ্ব নব নির্মাণ প্রদর্শনও করতে পারবে না । এটাই প্রথমবার যেখানে বসে ব্রহ্মাকুমার ব্রহ্মাকুমারীরা এইসব বুঝিয়ে দেন । ভারত যখন নতুন ছিলো তখন সবাই সুখী ছিলো । লক্ষ্মী নারায়ণ রাজত্ব করতেন । বিষ্ণুপুরী নতুন দুনিয়া ছিলো । পরমপিতা পরমাত্মা নতুন দুনিয়া নির্মাণ করেন , সেইজন্য তিনি একাই এর ভিত্তি স্থাপন করেন ।

ভারতের মানুষ , যারা তাদের নিজেদের পতিত ব্রষ্টাচারী বলে তারা নতুন বিশ্বের নির্মাণ করতে পারেনা । তোমরা জানো সেইসব মানুষ কোন ভিত্তির উপর দাঁড়িয়ে আছে । বাবা বলেন , আমি স্বর্গের , নতুন দুনিয়ার ভিত্তি স্থাপন করি । পুরনো দুনিয়ার বিনাশ তো তাই হতেই হবে । এই দুনিয়া কাঁটার । মানুষ যেন সব কাঁটা । একে অপরকে দুঃখ দিতে থাকে । ভারত আল্লাহর বাগিচা ছিলো । ভগবান স্থাপন করেছিলেন । তারা বলেও শিবায় নমঃ । কিভাবে শিববাবা স্থাপন করেছেন ? তিনি সত্যি করেই ব্রহ্মা দ্বারা আল্লাহর বাগিচা , দৈবী ফুলের বাগিচা স্থাপন করেছেন । তিনি কাঁটার জঙ্গল পরিবর্তন করে দৈবী রাজ্য স্থাপন করবেন । তিনি তোমাদের বাচ্চাদের নিমন্ত্রণ জানাচ্ছেন । এখানেও বাচ্চারা বাবাকে আমন্ত্রণ জানায় - বাবা এসো এবং দেখ আমরা ছবি ব্যবহার করে বোঝাচ্ছি কিভাবে নতুন দুনিয়ার স্থাপনা এবং পুরনো দুনিয়ার বিনাশ হচ্ছে । তুমি এসো , এইসব কিছু দেখ এবং আমাদের শ্রীমত্ দাও । তারা তাঁকে নিমন্ত্রণ করে । এটা খুব সহজ এই ছবির দ্বারা কাউকে বোঝানো । উপরে পরমপিতা পরমাত্মার ছবি । তারা বলে নমঃ শিবায় , তিনিই সর্বোচ্চ । তিনি নতুন দুনিয়া রচনা করেন । নতুন ভারতে লক্ষ্মী নারায়ণের রাজত্ব ছিলো । সুতরাং , উচ্চ থেকেও উচ্চ , পরমপিতা পরমাত্মা , তিনি আবার সূর্যবংশী , চন্দ্রবংশী রাজধানীর স্থাপনা করেন - ব্রহ্মা এবং ব্রহ্মাকুমার-কুমারীদের মাধ্যমে । তাঁরা সত্যযুগের আদিতে ছিলো , সুতরাং , তিনি অবশ্যই কলিযুগের অন্তেই স্থাপনা করেছিলেন এবং এখন আবার একবার করছেন সঙ্গমযুগে । বাস্তবে সকল আত্মা শিবের সন্তান এবং প্রজাপিতা ব্রহ্মারও সন্তান । সকল আত্মায় সমগ্র পার্ট লিপিবদ্ধ আছে । প্রথম পার্টধারী তাঁরা , যাঁরা সম্পূর্ণ ৮৪ জন্ম নেয় । পুনর্জন্ম নেওয়ার পদ্ধতি শুরুর থেকে চলে আসছে । তোমরা প্রথমে সত্যপ্রধান তারপরে সত্যঃ, রজঃ এবং তমঃ অবস্থার মধ্যে দিয়ে তোমাদের পার্ট সম্পূর্ণ করো । যখন তোমরা সত্যপ্রধান ছিলে তখন সূর্যবংশী লক্ষ্মী নারায়ণের রাজত্ব ছিলো এবং ১৬ কলা সম্পূর্ণ ছিলে । তারপরে তোমরা ১৪ কলায় এসেছ । এই দুই যুগকে বলা হয়ে থাকে ফুলের বাগিচা । সেটা ছিল সুখধাম । এর ব্যাখ্যা ছবির সাহায্যে বোঝানো খুব সহজ । একদম উপরে শিববাবা , যাঁর মাধ্যমে বিশ্ব নব - নির্মাণ হচ্ছে । শিববাবা ব্রহ্মা , বিষ্ণু , শংকরকে রচনা করেছেন । বাচ্চাদের এইসব বোঝাতে হবে কিভাবে নতুন দুনিয়ার স্থাপনা আর পুরনো দুনিয়ার বিনাশ হয় । এখন কতসব ধর্ম , শুধু দেবী -দেবতা ধর্মই নেই , তা' প্রায় লোপ পেয়ে গেছে । যাঁরা দেবী -দেবতা ধর্মের ছিলেন তাঁরা নিজেদের হিন্দু বলতেন কেননা সত্যযুগে সকলেই পবিত্র ছিলেন , এখন তাঁরাই পতিত হয়েছেন । বাবার নামই পতিত-পাবন । তোমাদের কে অপবিত্র বানায় ? একমাত্র বাবা এই সবকিছু বুঝিয়ে দেন , তোমাদের বাচ্চাদের এবং পরে তোমাদের অন্যান্য ভাই বোনেরা বুঝিয়ে দেন । রাবণ যাকে প্রতি বছর জ্বালানো হয় সেই রাবণ তোমাদের পতিত বানায় , রাবণের কোনও আকার নেই; গুপ্ত । রাবণের যে মূর্তি দেখানো হয় তা' স্ত্রীর পাঁচ বিকারের , আর পাঁচ বিকার পুরুষের । ভারতের সবচেয়ে বড় শত্রু রাবণ , যে ভারতকে মূল্যহীন কড়িতুল্য বানায় । আমার নির্দেশানুসারে এখন রাবণকে জয় করতে হবে । এই সময় সবাই পতিত হয়ে গেছে । এই কারণে পরমপিতা পরমাত্মার শ্রীমত্ চাই । শ্রীমত্ ভগবানের । ভগবান উবাচঃ , ওহে বাচ্চারা , আত্মারা , তোমরা সবসময় দেহ অভিমানী হয়ে থেকেছ । এখন দেহী -অভিমানী হও । তোমরা আত্মারা অমর । তোমরাই শরীর ছাড়া আর শরীর নাও । বাবা বলেন , হে ব্রহ্মা তুমি নিজেকে জানোনা । তোমার জন্যই গাওয়া হয়েছে - অর্ধকল্প ব্রহ্মার দিন , অর্ধকল্প ব্রহ্মার রাত । তোমরা বাচ্চারা এইসব বুঝেছ তাই তো প্রদর্শনী প্রস্তুত করছ । এখন এই ছবির দ্বারা বোঝাও - ব্রহ্মা এবং ব্রহ্মাকুমার-কুমারীরা এখন পরমপিতা পরমাত্মার কাছ থেকে তাদের উত্তরাধিকার নিচ্ছে । এটা বলা হয় - যখন জ্ঞান সূর্য প্রকাশ হয় তখন অন্ধকার দূরীভূত হয় । সেই সূর্যের কথা নয় । আমি , জ্ঞান সূর্য, এই সময় জ্ঞান

বর্ষা করছি , যার থেকে তোমরা পতিত থেকে পবিত্র হচ্ছ । বর্ষার জল কাউকে পবিত্র বানাতে না । আমাকে পতিত -পাবন বলে । একমাত্র আমার কাছে জ্ঞান আছে কিভাবে পতিত থেকে পবিত্র আর পবিত্র থেকে পতিত হয় । নতুন দুনিয়াকে পবিত্র এবং পুরনো দুনিয়াকে পতিত বলা হয়ে থাকে । রাবণ পতিত বানায় । রাবণকে শয়তান আর রামকে ভগবান বলা হয় । ইনি সেই রাম নন যিনি সীতার সাথে থাকেন । তোমাদের বাচ্চাদেরও এই স্থাপনা আর বিনাশের রহস্য বোঝাতে হবে । এইজন্যই বিশ্ব নব নির্মাণ প্রদর্শনী । কোনও শাস্ত্রে উল্লেখ করা হয়নি যে, পরমপিতা পরমাত্মা ব্রহ্মার মাধ্যমে সুখধাম স্থাপন করেন । রাবণ তাকে দুঃখধাম বানায় । বাবা আসেন এবং এই দুঃখধামকে সুখধামে পরিণত করেন । অর্ধকল্প সুখ আর অর্ধকল্প দুঃখ । সত্যযুগ , ত্রেতা দিন এবং দ্বাপর , কলিযুগ রাত । মানুষ রাতে অর্থাৎ অজ্ঞানতার অন্ধকারে ঠোঁকর খেতে থাকে । ভগবানকে খুঁজতে গিয়েই তারা ধাক্কা খায় কেননা তাঁকে পাওয়ার রাস্তা তাদের অজানা । এই সবই ড্রামায় অন্তর্ভুক্ত আছে । অর্ধকল্প জ্ঞান , অর্ধকল্প ভক্তি । জ্ঞানের সাগর , জ্ঞান সূর্য পরমপিতা পরমাত্মাকেই বলা হয়ে থাকে । ভারতেই শিব জয়ন্তী পালন করা হয় । এতে প্রমাণ হয় ভারতই শিবের জন্মভূমি । আমাকে অপবিত্র দুনিয়ায় আসতেই হয় । আর একমাত্র তখনই আমি অপবিত্রকে পবিত্র করি । লক্ষ্মী নারায়ণ , যাঁরা পূজা পাওয়ার সম্মান পেয়েছিলেন তাঁরাই পূজারী হয়েছেন । যাঁরা পূজ্য ছিলেন , তাঁরাই পরে পূজারী হয়েছেন । সেই লক্ষ্মী নারায়ণের আত্মা যাদের ৮৪ জন্মের ভোগ ভুগতে হবে, তাদের ভিন্ন ভিন্ন নাম -রূপে ভোগ ভুগতে হবে । সুতরাং , এই ব্রহ্মা যিনি স্থাপনা করেন তিনিই আবার পালনা দেন । এখন সেই আত্মা পতিত হয়েছে সেইজন্য আবার ওনার শরীরে এসে ওনার নাম রাখি ব্রহ্মা । সর্বপ্রথম এই কথা বোঝাতে হবে পরমপিতা পরমাত্মার সাথে কি সম্বন্ধ ? তারা অবশ্যই বলবে তিনি বাবা । তিনি সব আত্মার পিতা । তোমরা সকলেই শিব পিতার সন্তান । এই সময় তোমরা সবাই ভক্ত । তোমরা সকলেই ঈশ্বরকে স্মরণ করো । ভক্তরা বলে , হে ভগবান আমাদের ভক্তির ফল দাও ! আমরা দুঃখী ; জীবনমুক্তি দাও । সাধুরাও সাধনা করে মুক্তি এবং জীবন মুক্তি লাভ করতে । এই সময়ে সবাই ডাকে , তুমি এসো এবং পতিতদের পবিত্র করো । বাবা নির্দেশ দেন , কিভাবে তোমরা বোঝাবে । আমরা আত্মারা শান্তিধামের অধিবাসী । এখন এক শরীর ছেড়ে অন্য শরীর নিয়ে অবশ্যই নিজেদের পার্ট প্লে করতে হবে এবং আমাদের বিভিন্ন জাতি -বর্ণের মধ্যে দিয়েই সৃষ্টি নাটকের পার্ট প্লে করতে হবে । এই ড্রামা অবিনাশী , পূর্বনির্ধারিত এবং তা' চক্রাকারে ঘুরতে থাকে । সৃষ্টির এই চক্র কিভাবে ঘোরে তাও তোমাদের জানতে হবে । পতিত -পাবন এক , রচয়িতা এক , দুনিয়াও এক । তোমরা জিজ্ঞেস করো , কিভাবে আমরা পবিত্র থেকে অপবিত্র হয়েছি ? কারণ তোমরা রাবণের আসুরিক মতে চলতে চলতে তোমাদের মধ্যে ৫ বিকার এসে যায় । ৫ বিকারকেই রাবণের মত বলা হয়ে থাকে , এইজন্য রাবণকে পোড়ানো হয় কিন্তু রাবণ পোড়েনা । এখন বাবা বলছেন , বাচ্চারা ! তোমাদের রাবণকে জয় করতে হবে , যারা জিতবে তারা রামরাজ্যের মালিক হবে । এটাই অন্তিম জন্ম অর্থাৎ সৃষ্টির অন্ত , চক্র সম্পূর্ণ হয়েছে । সৃষ্টির আদিও বাবা করেন এবং শেষের বিনাশও বাবা করেন । বাবা বলেন , আমি নতুন দুনিয়ার ভিত্তি স্থাপন করি আর পুরনো দুনিয়ার বিনাশও করাই । গাওয়া হয়েছে - ব্রহ্মা দ্বারা স্থাপনা , কিন্তু ব্রহ্মা একা নন । ব্রহ্মাকুমার এবং ব্রহ্মাকুমারীদের দ্বারাও ভারতকে দৈবী ফুলের বাগানে পরিণত করি । এখন তা' কাঁটার জঙ্গল । যাতে আগুন লাগবে । তোমাদের জাগরণ হয়েছে কিন্তু বাকি মানুষ ! তারা এখনও শুয়ে আছে । এখানে দুঃখ আর অশান্তি । বাচ্চাদের সর্বদা নিজের শান্তিধাম , সুইট হোমের স্মরণ করতে হয় । তারপরে তোমরা মিষ্টি রাজস্বের উত্তরাধিকার লাভ করো । এই রাবণ রাজ্যকে ক্রমশঃ ভুলতে থাকো । ভারত , পরীক্ষান ছিলো এখন কবরস্থানে পরিণত হয়েছে কিন্তু আবারও ভারত

পরিস্থানে পরিবর্তিত হবে। এই হল চক্র। নতুন বিশ্ব যখন তৈরী হয়ে যাবে তখন পুরনো দুনিয়ায় আগুন লাগতেই হবে। এখন তোমরা নিজেদের নতুন দুনিয়ার জন্য প্রস্তুত করো। তারপরে সেখানে গিয়ে হীরে জহরতের মহল বানাবে। এখন তো সেখানে শুধুই ঝুপড়ি। প্রতি কল্পে পতিত দুনিয়া আবার পবিত্র হয় আর পবিত্র দুনিয়া পতিত হয়। ধীরে ধীরে তোমরা পতিত হও। নতুন মহল তাতাতাডি তৈরী হয়, পুরনো হতে সময় লাগে। জ্ঞানের দ্বারা তোমরা নতুন বিশ্বের মলিক হয়ে যাবে। এখন তোমরা ১৬ কলায় পূর্ণ এবং তারপরে ১৪ কলা আর তারও পরে ধীরে ধীরে কলা কমতে থাকবে। এখন কলিযুগে ৯ কলা। ভারত পবিত্র ছিল, এখন পতিত হয়েছে। ভারতকে ঘিরেই রচিত হয়েছে সৃষ্টির এই খেলা। রাবণের কাছে যারা হেরে যাবে তারা সবকিছু থেকে হেরে যাবে। তোমরা এখন শ্রীমত্ অনুসরণে জয়লাভ করবে। আচ্ছা -

মিষ্টি মিষ্টি হারানিধি (সিকিলধে) বাচ্চাদের প্রতি মাতাপিতা বাপদাদার স্মরণ - স্নেহ আর সুপ্রভাত। রুহানী বাবার রুহানী বাচ্চাদের নমস্কার।

ধারণার জন্য মুখ্য সার:-

১) শ্রীমত্ অনুসরণ করে ভারতকে পবিত্র করার সেবা করতে হবে। রাবণের মত ছেড়ে এক বাবার শ্রীমতে চলতে হবে।

২) এই দুঃখধাম ভুলে নিজের সুইট হোম, শান্তিধামকে স্মরণ করতে হবে। নিজেকে নতুন দুনিয়ার উপযুক্ত করে নিতে হবে।

বরদান:- যথার্থ স্মরণ আর সেবার ডবল লকের দ্বারা নির্বিঘ্ন থেকে অনুভবী ভব

মায়া আসার যত দরজা আছে তাতে স্মরণ আর সেবার ডবল লক লাগাও। যদি স্মরণে স্থিত হতে এবং সেবা করার সময় মায়া আসে তবে নিশ্চয়ই স্মরণে বা সেবায় গাফিলতি আছে। যথার্থ সেবা সেটাই যাতে কোনও স্বার্থ থাকেনা। যদি নিঃস্বার্থ সেবা না হয় তবে বুঝতে হবে লক টিলে আছে আর স্মরণেও তো শক্তিশালী হওয়া চাই। এইরকম ডবল লক হলে তবে বাধামুক্ত হয়ে নির্বিঘ্ন হয়ে যাবে এবং কেন, কি প্রভৃতির উর্ধে উঠে অনুভবী অবস্থায় স্থিত হতে পারবে।

শ্লোগান:- স্নেহ আর শক্তির সমতাই সফলতার অনুভূতি করায়।

---

তপস্বী মূর্ত হও

প্রত্যেকে এই সংকল্প নাও যে শান্তির, শক্তির কিরণ ছড়িয়ে দিতে হবে, তপস্বী মূর্ত হয়ে থাকতে হবে। এখন একে অপরকে বাণী দ্বারা সাবধান করার পরিবর্তে মনসা শুভ ভাবনা দ্বারা পরস্পরের সহযোগী হয়ে এগিয়ে চলো এবং এগিয়ে নিয়ে চলো।